

ଗାଲାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଲାତିୟ କୁଲମିତିଙ୍କ ପାସ୍ତର ରାଟାମାନି ଆକୁ ମୂଳ ହାତୀ

ଗାଲାତିୟ ଆକୁ ପାଣ୍ଡୁଆହାମାନି ପାସ୍ତର ତାଣ୍ଡାଟି ରାସ୍ତି ଆହାମାନେ ୧:୧ □ ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାୟୁ ୪୮ ଟିଏ ୫୭ ବାର୍ଷା ବିତ୍ରା ଗାଲାତିୟ କୁଲମିତି ନାମିତି ତାୟିୟାକି ରାସ୍ତି ଆହାମାନେ □ ଗାଲାତିୟ ଲକୁ ରମିୟ ଦେସାତି ଗାଲାତିୟ ଜନି ଟାୟୁତା ବାସା କିହା ମାଣ୍ଡିନେରି □ ପାସ୍ତର ଇ ଆକୁ ରାଟିତି ବେଲା ଆୟିୟା ମାଚେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି □ ସାମା ଏପିସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ଡିୟିନେସି ଇଞ୍ଜି ଇନେରି □

ପାସ୍ତର ଗାଲାତିୟ କୁଲମିତି ଜୀହୁଦି ଅଡେ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଟିମାନେସି □ ଏଞ୍ଜାସି ମିତି ଜାପୁନାରି ତାଣ୍ଡାଟି ହେକ ଆହାଲି ରାଟାମାନେସି, କ୍ରୀସ୍ତାନା ଲକୁଣି ପୁଞ୍ଜା ମେରାତି ଜୀହୁଦି ହୁକୁମିତି ମାନୁଞ୍ଜି ଆହାଲି ଅଡେ ବାରେକିହାଁ ତଲୁ ଦାପିଆନ୍ତି ମେରା ଝେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଟାରି ଜୀହୁଦି ଦାମୁତି ଆବିତାରି □ ଏଞ୍ଜାରି ଜିକେଏ ପାସ୍ତର ପାଣ୍ଡୁଆହାମାନି ଅଦିକାରାତି ଝେଞ୍ଜିମାଚେରି □ ପାସ୍ତର ଏଚେକା ପୁସ୍ତପନିକା ତଲେ ତାନି ପାଣ୍ଡୁଆହାମାନି କାତା ଝେସାନା ଏଞ୍ଜାରାଈଁ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତ ଲି ନାମିସାଚେ ଗେଲ୍ପି ଆନାୟି ଇ କାତା ଝେସାନା ନେହଁ କାବୁତି ଗେଲ୍ପି ମାନେସି ୨:୧୭ □ ମାଣ୍ଡି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ □

ପତିତା ମାନାୟି

୧ ପାଞ୍ଚୁଲତି ଜହରା □ ୧:୧-୫

୨ ପାଞ୍ଚୁଲତି ତଲିତି ଜୀଞ୍ଜୁ ଅଡ଼େ ଜାପୁନି ଅଦିକାରା କାମା କିନାୟି
□ ୧:୬-୭:୨୧

୩ ମେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍‌ପି ଆନାୟି □
୩:୧-୪:୩୧

୪ ନେହଁ କ୍ରୀସ୍ତାନା ଆହାନା ନୀତାଲି ଝେହ୍ନାୟି □ ୫:୧-୬:୧୦

୫ ପାଞ୍ଚୁଲ ଜହରା କିହାନା ଆକୁତି ରାପୁନାୟି □ ୬:୧୧-୧୮

ପାଞ୍ଚୁଲତି ଜହରା

୧ ନାନୁ, ପାଣ୍ଡୁଆଡ଼ି ସୀସୁ ପାଞ୍ଚୁଲତେଏଁ, ପାଣ୍ଡୁ ଆହାଲିତାକି
ନାନୁ ମାଣସି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି
ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକ୍‌ହାମାନେସି ଏଞ୍ଜାଣି
ତାଣାଟି ବେଟାଆହାମାଇଁ,

୨ ନା ତଲେ ମାନି ନାମୁତି ବାରେ ତାୟି ତାଙ୍ଗିସ୍ତା ଗାଳାତିୟା
କୁଲମିତି ଜହରା କିହିମାଞ୍ଜାନେରି □

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାଣି
ଅଡ଼େ ହିଡ଼ିତି ଜୀଞ୍ଜୁ ମିଙ୍ଗେ ହୀୟାପେସି □

୪ ନୀଏଁତି ଇ ପାପୁତି ଦାର୍‌ତିତା ମାଙ୍ଗେ ଗେଲ୍‌ପାଲିତାକି, ମା ଆବା
ମାହାପୁରୁତି ଅଣ୍‌ପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ
ହେରପାକତିତେସି;

୫ କାଲ୍‌କାଲ୍‌ତାକି ମାହାପୁରୁଇଁ ଗାଞ୍ଜୁରମି ଆପେ □ ଆମେନ୍ □

ରଣ୍ଡିଏ ନେହଁ କାରୁ

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଙ୍ଗେ ହାଟା ମାଞ୍ଜାତେସି,
ଏଞ୍ଜାଣାଇଁ ମୀରୁ ଗାଡ଼େକେଏ ପିସାନା ଏଟ୍‌କାତି ନେହଁ କାରୁତି
ଆସାମାଞ୍ଜେରି, ଏଡ଼ାଣିତାକି ନାନୁ କାବା ଆହିମାଇଁ □

୭ ସାତାତଲେ, “ଏଟ୍‌କାତି ନେହଁ କାରୁ” ଆଏ, ସାମା
ଏଚରଜାଣା ମିଙ୍ଗେ ତୀରି ମାଞ୍ଜାଲି ହୀଆନା, କ୍ରୀସ୍ତିତି ନେହଁ କାରୁତି
କିଲିବିଲି କିହାଲି ଅଣ୍‌ପିମାନେରି □

୮ ସାମା ଆମିନି ନେହୁଁ କାରୁ ମାମୁ ମୁମୀ ତାଣା ଝେକହା ମାଚମି, ଇଞ୍ଜା ମାମୁ କି ଲାକପୁରୁତି ଦୁତୁୟା ଜିକେଏ ଏଡାଣି ପିସ୍‌ପେ ଏଟକାତି ନେହୁଁ କାରୁ ଝେକନେସି, ଆତିହୁଁ ଏଝାସି ବାକା ବେଟାଆପେସି □

୯ ଏନିକିଁ ମାମୁ ତଲିଏ ଝେସାମାନମି, ନୀଏଁ ଜିକେଏ ନାନୁ ଏଲେକିହୁଁଏ ଅଡେ ଝେଣ୍ଡେ ଝେସିମାଞ୍ଜାଇଁ, ଆମିନି ନେହୁଁ କାରୁଇଁ ମୀରୁ ଆସାମାଚେରି, ଏଡାଣି ପିସ୍‌ପେ ଆମିନି ଲକୁ ଏଟକାତି ନେହୁଁ କାରୁ ମୀ ତାଣା ଝେକହା ନେସି ଏଝାସି ବାକା ବେଟାଆପେସି □

୧୦ ନୀଏଁ ନାନୁ ମାଣ୍‌ସିୟାଁ ନକିତା କି ମାହାପୁରୁ ନକିତା ନେହୁଁ ତଞ୍ଜାଆୟାଲି ଅଣ୍‌ପିମାଇଁ, ଏଡି ଏଚେଲା ଜିକେଏ ଆଏଁ ଇତିହୁଁ ମାଣ୍‌ସିୟାଁଇଁ ରାହାଁ କିହାଲି ଅଣ୍‌ପିମାଇଁ, ନାନୁ ନୀଏଁ ପାତେକା ମାଣ୍‌ସିୟାଁଇଁ ରାହାଁ କିଝିକିହାଲି ଅଣ୍‌ପି ମାତିହୁଁ ମା ନାନୁ କ୍ରୀସ୍‌ତି ହଲେଏଣାତେଏଁ ଆଆତେଏଁମା □

ପାଞ୍ଜୁଲ ଏନିକିଁ ଆଡ଼ି ଆନାୟି

୧୧ ତାୟି ତାଙ୍ଗିସ୍‌ତାତେରି ଆମିନି ନେହୁଁ କାରୁ ନା ତାଣାଟି ଝେସ୍‌ପି ଆହାମାନେ, ଏଡାଣି ମିଙ୍ଗେ ନାନୁ ଝେସିମାଞ୍ଜାଇଁ ଏଡି ମାଣ୍‌ସିୟାଁ ତାଣାଟି ଆଏ; □

୧୨ ନାନୁ ଏଡାଆଁ ମାଣ୍‌ସି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍‌ତି ତସାମାଞ୍ଜାନି ତାଣାଟି ବେଟାଆହାମାଇଁ □

୧୩ ☆ନାନୁ ତଲି ଜୀହୁଦି ଦାମୁତା ମାତିବେଲା ଏନି ମାଣ୍‌କିତା ମାତେଏଁ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାତେଏଁ, ଅଡେ ଏଡାଆଁ ମ୍ବେକହାଲି ଅଣ୍‌ପିମାତେଏଁ □

୧୪ ☆ଅଡେ ମା ଆକୁ ଆବାୟାଁ ପାଣାପାରୁ ମେରା ତାକି ରାହାଁଟି ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମୁତି ହାରେକା ମାନି କିହିମାତେଏଁ □

୧୫ ☆ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି,

୧୬ ଅଡେ ଜୀହୁଦିଆଆତି ଲକୁତାଣା ନେହଁ କାନ୍ତୁ ଝେକ୍‌ହାଲି ତାକି ଏଟିବେଲା ନାଙ୍ଗେ ଏଞ୍ଜାସି ତାନି ମୀରଏଣାଙ୍କୁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟକା ମାଣ୍‌ସି ତାଣା ହାଜା ହିଲାଆତେଏଁ
□

୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡୁଞ୍ଜିଆତି ସୀସୁ ଆହାମାଚେରି, ଏଞ୍ଜାରାଙ୍କୁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେଏଁ □ ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏଁ; ଅଡେ ତାୟୁ ଦମେସକତା ଝେଣ୍ଡା ଝାଟେଏଁ □

୧୮ ☆ ତାନି ବାର୍ସା ହାଟି ତାୟୁ ନାନୁ ପିତରଙ୍କୁ ଆଣ୍ଡାଲି ତାକି ଜିରୁସାଲମତା ହାଚେଏଁ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏମ୍‌ଆଁ ମାଚେଏଁ □

୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡୁଞ୍ଜି ଆହାମାନାରି ବିତ୍ରା ଆମ୍‌ଆରାଙ୍କୁ ମେହ୍‌ଆତେଏଁ □

୨୦ ନାନୁ ମିଙ୍ଗେ ଏନାଆଁ ରାଟିମାଞ୍ଜାଙ୍କୁ, ମାହାପୁରୁ ନକିତା ସାତା ଝେସିମାଞ୍ଜାଙ୍କୁ, ମିଟି ଝେସିମାଞ୍ଜାଅଁ □

୨୧ ତାୟୁ ନାନୁ ସିରିୟା ଅଡେ କିଲିକିୟାତି ହାରେକା ଟାମ୍ଲାଣା ହାଚେଏଁ □

୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଙ୍ଗେ ନେହଁକଁ ପୁଞ୍ଜାମାଞ୍ଜାଆତେରି □

୨୩ ଏଞ୍ଜାରି ଏଟକା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍‌ସି ତଲି ମାଙ୍ଗେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକ୍‌ହାଲି ଅଣ୍‌ପିମାଚେସି, ଏଞ୍ଜାସି ନାଏଁ ନାମୁତି କାତା ଝେକ୍‌ହି ମାନେସି □”

୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଙ୍କୁ ଗାଝୁରମି କିହିମାଚେରି □

୨

ପାଞ୍ଜୁଲ ଅଡେ ପାଣ୍ଡୁଞ୍ଜି ଆତି ସୀସୁୟାଁ

୧ ☆ ସଦ ବାର୍ଯ୍ୟା ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ
ଖେଣ୍ଡେ ହାଚେଏଁ, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେଏଁ
□

୨ ନାନୁ ଏମ୍ବାଆଁ ହାନାୟିମାନେ ଇଞ୍ଜାଁ ମାହାପୁରୁ ତାଣାଟି ହୁକୁମି
ବେଟାଆହାନା ହାଚେଏଁ; ଅଡ଼େ ନାନୁ ଏବ୍‌କା କୂଡ଼ାତି ଲକୁତାଣା
ଆମିନି ନେହଁ କାରୁ ଝେକ୍‌ହିମାଇଁ, ଏଦାଆଁ ଏଞ୍ଜାରାଇଁ ଝେସ୍‌ସେଏଁ,
ସାମା ନା ତଲିତି ଅଡ଼େ ନୀଏଁତି କାମା ଉଜେଏ ଆଏ, ଏଦାଆଁତାକି
ଆମିନି ଗାଟାରି ମାନି ବେଟାଆହାଲି ଜଗେ ନାନୁ ଏଞ୍ଜାରାଇଁ ଏବ୍‌କା
କିହାନା ଝେସ୍‌ସେଏଁ □

୩ ସାମା ନା ତଡ଼ ତ୍ରିତସ ଗ୍ରିକ୍ ଲକୁ ମାଟି ଜିକେଏ ଏଞ୍ଜାଣାଇଁ ତଲୁ
ଦାପି କିହାଲି ବାଲାମାତମି କିଞ୍ଚିଆହା ହିଲାଆତେ,

୪ ଆଡ଼ିହଁ ଜିକେଏ ଏଚରଜାଣା ଲକୁ ଏଞ୍ଜାଣାଇଁ ତଲୁ
ଦାପି କିହାଲି ଅଣ୍ଡିମାଚେରି □ ଏଞ୍ଜାରି ନାମିତି ତାୟିୟା
ଇଞ୍ଜାଁ ତସା କଡାନା ମେଣେଏ ପାରୁ ପାରିନି ଲେହେଁ ଜାରୁତା
ଆଣ୍ଡାମାଚେରି □ କ୍ରୀସ୍ତ ଜୀସ୍ତୁତାଣା ଆଣ୍ଡିତାକି ମାର ଆମିନି ମେଲା
ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡୁ ମାଚେ,
ମାଙ୍ଗେ ଏଞ୍ଜାରି ଅଡ଼େ ଝେଣ୍ଡେ ମେରାତି ହଲିୟାଙ୍ଗା କିହାଲି
ଅଣ୍ଡିମାଚେରି □

୫ ସାମା ନେହଁ କାରୁତି ସାତା ଏନିକଁ ମୀ ତାଣା ତୀରିଆହାନା
ଡ଼ୟିନେ, ଏଦାଆଁତାକି ମାମ୍ବୁ ଗୁଡ଼େକା ତାକି ଜିକେଏ ଏଞ୍ଜାରାକି ପାରୁ
ହୀହାହିଲାଆତମି □

୬ ଆମ୍ବାଆରି ମାନିଗାଟାରି ଇଞ୍ଜାଁ ଝେଙ୍ଗା ମାଚେରି, ଏଞ୍ଜାରି
ଏନିଲେହେଁତି ଲକୁ ମାଚେରି, ଏମ୍ବାଆଁ ନାଦି ଏନାୟି ହିଲେଏ;
ମାହାପୁରୁ ଆମ୍ବାଆରି ପାରୁଡ଼ା ବାଟି କିଅସି, ଏ ମାନିଗାଟାରି ନାଙ୍ଗେ
ଏନି ପୁଃନି ବଲୁ ଝେସାମାଞ୍ଜଅରି □

୭ ଏବ୍‌କା ଝାକି ଏଞ୍ଜାରି ପୁଞ୍ଜାଲି ଆଡ଼ିତେରି, ପିତରଇଁ ଏନିକଁ
ଜୀହୁଦି ଲକୁତାଣା ନେହଁ କାରୁ ଝେକ୍‌ନି କାମା ହେର୍‌ପିତେସି
ଏଲେକିହଁ ଏ ନାଙ୍ଗେ ଜିକେଏ ଜୀହୁଦିଆଆତି ଲକୁତାଣା ନେହଁ
କାରୁ ଝେକ୍‌ନି ବଲୁ ହେର୍‌ପା ମାଞ୍ଜାନେସି □

୮ ଏନାଆଁତାକି ଇଚିହଁ ଜୀହୁଦି ଲକ୍ଷୁତାଣା ପାଣ୍ଡୁଓ ଆହାମାନାରି କାମା କିହାଲି ଏନିକିହଁ ପିତରକି ମାହାପୁରୁ ବାଡ଼ୟ୍ ହୀହାମାନେସି, ଏଲେକିହଁଏ ଜୀହୁଦିଆଆତି ଲକ୍ଷୁତାଣା ଏ କାମା କିହାଲି ନାଙ୍ଗେ ମାହାପୁରୁ ବାଡ଼ୟ୍ ହୀହାମାଞ୍ଜାନେସି □

୯ ଅଡ଼େ ଏଚିବେଲାତା ଏଞ୍ଜାରି ମାହାପୁରୁ ନାଙ୍ଗେ ହୀହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜିଁ ଝେଙ୍ଗାମାନେରି, ଜାକୁବ, ପିତର, ଅଡ଼େ ଜହନ ନାଙ୍ଗେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜିଁ ଟିଃନି କେୟ୍ ଆସାନା ଆବାତେରି, ଏନିକିହଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକ୍ଷୁତାଣା କାମା କିନମି ଅଡ଼େ ଏଞ୍ଜାରି ଜୀହୁଦି ଲକ୍ଷୁତାଣା କାମା କିନେରି □

୧୦ ଏଞ୍ଜାରି ଖାରଇ ଇଚେକା ବାତିମାଲା ମାଞ୍ଜାତେରି ମାନ୍ସୁ ଏଞ୍ଜାରି ଜାରୁତା ମାନି ହିଲାଆଗାଟାରାଇଁ ଅଣ୍ପିନମି; ଏ କାତାତା ନାନୁ ରାହାଁ ଆହାମାଚେଏଁ □

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା* ଏଚିବେଲା ଆନ୍ତିୟକିୟାତା ଖାହାମାଚେସି, ନାନୁ ଏଞ୍ଜାଣାଇଁ ବାରେ ଲକ୍ଷୁ ନକିତା ଲାଗିତେଏଁ, ଇଚିହଁ ଏଞ୍ଜାସି ଦହ୍ କିହିମାଚେସି □

୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜୀହୁଦିଆଆତି ତାୟି ତାଙ୍ଗିସ୍ତା ତଲେ ଡିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଙ୍ଗିସ୍ତାଇଁ ଆଜାନା ଜୀହୁଦିଆଆତି ତାୟି ତାଙ୍ଗିସ୍ତାଇଁ ପିସାନା ଏବ୍‌କା ଆଡେସି □

୧୩ ଇଞ୍ଜା ଏଚରଜାଣା ଜୀହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଓ ଆଡେରି, ଏଲେଆହଁ ବର୍ନବା ଜିକେଏ ଏଞ୍ଜାରି କାତା ଆସ୍ତେସି □

୧୪ ଏଚିବେଲା ନାନୁ ମେସ୍ତେଏଁ, ଏଞ୍ଜାରି ନେହଁ କାବୁଡି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକ୍ଷୁ ନକିତା କେପାଇଁ† ଏଲେଇଚେଏଁ, “ନାନୁ ଜୀହୁଦି ଆହାନା ଜୀହୁଦି ଲକ୍ଷୁ

* ୨:୧୧ ୨:୧୧ ପିତର † ୨:୧୪ ୨:୧୪ ପିତର

ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନୀତିମାଞ୍ଜି, ଆତିହେଁ ନୀନୁ ଏନିକିହେଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି □”

ନାମୁତଲେ ଗେଲ୍‌ପି ଆନାୟି

୧୫ ସାତେଏ ମାମୁ ଜୁନାର୍‌ଗିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ □”

୧୬ ☆ଆଡ଼ିଜିକେଏ ମେରାତି କାମା ତଲେ ମାଣସି ତୀରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଟାସି ଆନେସି, ଇଦାଆଁ ପୁଞ୍ଜାନା ମାମୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିହେଁ ମେରାତି କାମା ତଲେ ତୀରିଗାଟାତମି ଆଆନା କ୍ରୀସ୍ତ ତାଣା ନାମାନା ତୀରିଗାଟାତମି ଆନମି; ଇତିହେଁ ମସାତି ମେରାତି କାମା ତଲେ ଆମିନି ମାଣସି ତୀରିଗାଟାସି ଆଅସି □

୧୭ ସାମା କ୍ରୀସ୍ତ ତାଣାଟି ତୀରି ଗାଟାତାୟି ଆୟାଲି ଅଣ୍‌ପାନା ମାମୁ ଜିକେଏ ପାପୁ ଗାଟାତମି ଇଞ୍ଜିହେଁ ତଞ୍ଜା ଆଡମି, କ୍ରୀସ୍ତ ପାପୁତି ସେବା କିନାସି କି ? ଏଡ଼ି ଏଚେଲାଞ୍ଜା ଆଆପେ □

୧୮ ଇତିହେଁ ନାନୁ ଏନି ମେରାତି ମ୍ଲେକ୍‌ହାମାଲ୍ ଏ ବାରେତି ଅଡ଼େ ଝେଣ୍ଡେ ଗାଡ଼ି କିଇଁ, ଆତିହେଁ ନାନୁଏ ଜାହାରାଲ୍ ଦହ ଗାଟାତେଏଁ ଇଞ୍ଜିହେଁ ତସାକଡ଼ିମାଲ୍ □

୧୯ ମାହାପୁରୁ ତାକି ନୀତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଲ୍,

୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଲ୍; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏମିନି ଆଙ୍ଗା ତଲେ ନୀତାମାଲ୍, ଏଡ଼ି ନାମୁତଲେ, ଇତିହେଁ ମାହାପୁରୁତି ଏମିନି ମୀର୍‌ଏସି ନାଙ୍ଗେ ଜୀହୁନହ୍‌ନା ନା ତାକି ତାନି ଜୀହୁ ହୀହାମାନେସି, ଏଞ୍ଜାଣି ତାଣା ନାମାନା ନୀତାମାଲ୍ □

୨୧ ନାନୁ ମାହାପୁରୁ କାର୍ମାମେହ୍‌ନାଣି ଉଜେଏ କିହିହିଲଅଁ; ଇତିହେଁ ମେରା ତଲେ ମାଣସି ମାହାପୁରୁ ନକିତା ତୀରିଗାଟାସି ଆନେସି, ଆତିହେଁ କ୍ରୀସ୍ତ ହାଡାୟି ଉଜେଏତାୟି □

୩

ମେରା ଆତ୍ମା ତୁ ନାମୁ

୧ ଏ ବୁଦ୍ଧି ହିଲାଆଗାଟି ଗାଳାତିୟଟି ଲକ୍ଷ୍ୟକୃତେରି! ଆତ୍ମାଆସି ମିଙ୍ଗେ ମାତୃଷ୍ଟି କିହାମାଞ୍ଜାନେସି ? ମୀ କାଶ୍ମିକା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡି କାତା ନେହଁ କି ତଞ୍ଜାଆହିମାଞ୍ଜାତେ □

୨ ନାମୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ଡିମାଙ୍ଗ; ମୀରୁ ମସା ମେରା ତଲେ କାମା କିତାକି କି ନେହଁ କାରୁ ଖେଞ୍ଜାନା ନାମିତାକି ସୁଦୁଜୀସୁ ବେଟାଆହାମାଚେରି ?

୩ ମୀରୁ ଏନ୍ତିଲେହେଁଟି ବୁଦ୍ଧି ହିଲାଆଗାଟାଚେରି ? ମାହାପୁରୁଷ ଜୀସୁତଲେ ମାଟ୍‌ହାନା; ଆଙ୍ଗାଟି ବାଡ଼ୁୟୁ ତଲେ ରାପ୍‌ହାଲି ଅଣ୍ଡିମାଞ୍ଜେରି ?

୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଡି ଏନାଆଁ ଉଜେଏତାୟି ?

୫ ଇଚିହଁ ଆତ୍ମାଆସି ମିଙ୍ଗେ ଜୀସୁ ହାହାମାଞ୍ଜାନେସି, ଅଡେ ମୀ ତାଣା କାବାଆନ୍ତି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଖେଞ୍ଜାହଁ କିନେସି ?

୬ ☆ଅବ୍ରାହାମ କାତା ଅଣ୍ଡାପାଦୁ, ସାସ୍ତେରିତା ରାସ୍‌କି ଆହାମାନେ, “ଏଞ୍ଜାସି ମାହାପୁରୁଷ ତାଣା ନାମିତେସି, ଇଞ୍ଜା ନାମାଲିଏ ତୀରିଗାଟାସି ଆଡେସି □”

୭ ☆ଇଦାଆଁତାକି ଆତ୍ମାଆରି ନାମିନେରି ଏଞ୍ଜାରିଦେଁ ଅବ୍ରାହାମଟି ମୀରୁକା ମାସ୍‌କା, ଇଦାଆଁ ମୀରୁ ପୁନାୟିମାନେ □

୮ ଅଡେ ମାହାପୁରୁଷ ଜୀହୁଦିଆଆତାରାଙ୍ଗ ନାମୁଟି ତୀରିଗାଟାରି କିନେସି, ଏଡାଆଁ ଦାମ୍‌ସୁ ପତିତା ନକେଏ ମେସାନା ଅବ୍ରାହାମ ତାଣା ନେହଁ କାରୁ ଖେସାନା ଏଲେଇଚେସି; “ନୀ ତାଣାଟି ଦାର୍‌ତିତି ବାରେ କୁଲୁଟି ଲକ୍ଷ୍ୟ ବର ବେଟାଆନ୍ତେରି □”

୯ ଅବ୍ରାହାମ ନାମିତେସି ଇଞ୍ଜା ବର ବେଟାଆଡେସି, ଏଲେକିହଁଏ ଆତ୍ମାଆରି ନାମିନାରି ବାରେଜାଣା ଏଞ୍ଜାଣିଲେହେଁ ବର ବେଟାଆନ୍ତେରି □

୧୦ ଇତିହାସ ଏତେକା ଲକ୍ଷ୍ୟ ମସାତି ମେରା ଆସାନା କାମା କିନେରି, ଏଞ୍ଜାରି ବାକା ବେଟାଆନେରି, ଦାମ୍ଭୁପତିତା ରାସ୍ତା ଆହାମାନେ, “ଆମ୍ବାଆସି ମେରା ପତିତା ରାସ୍ତା ଆହାମାନି ବାରେ କାତାତି ମାନୁଞ୍ଜି ଆଅସି ଏଞ୍ଜାସି ମାହାପୁରୁ ତାଣାଟି ବାକା ବେଟା ଆନେସି □”

୧୧ ମେରା ମାନୁଞ୍ଜି ଆହାନା ଆମ୍ବାଆସି ମାହାପୁରୁ ନକିତା ତୀରିଗାଟାସି ଆଅସି, ନେହାକ ପୁଞ୍ଜାମାନାୟି, ରାସ୍ତା ଆହାମାନେ, “ଇତିହାସ ତୀରିଗାଟାସି ନାମୁଟି ନୀତିନେସି □”

୧୨ ଅଡେ ନାମୁ ମେରାତି ମୁଲୁ କାତା ଆଏ; ମେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଞ୍ଜି ଆନେସି, ଏମ୍ବାଟି ଏଞ୍ଜାସି ନୀତିନେସି □”

୧୩ କ୍ରୀସ୍ତ ମା ତାକି ବାକା ବେଟାଆହାନା ମେରାଟି ମାଙ୍ଗେ ଖାନି ବାକାଟି ପିସ୍ତା କିହାମାଞ୍ଜାନେସି; ଇତିହାସ ରାସ୍ତା ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଞ୍ଜାସି ବାକା ଗାଟାସି □”

୧୪ ମାହାପୁରୁ ଅବ୍ରାହାମାଲ୍ ଆମିନି ବର ହାହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକ୍ଷ୍ୟ ଜିକେଏ ଏନିକ୍ ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରୀସ୍ତ ଇ କାମା କିହାମାନେସି, ଏଦାଆଁତାକି ମାର ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଞ୍ଜୁ ବେଟାଆହାଲି ଆଡିନାୟି □

ମେରା ଅଡେ ଆଞ୍ଜିନାୟି

୧୫ ଏ ତାୟି ତାଙ୍ଗିସ୍ତା, ନାମୁ ମାଣ୍ଡିୟା ଲେହେଁ ଝେସିମାଞ୍ଜାଲ୍; ରାଜିମାନା ମାଣ୍ଡି ତାଣାଟି କିତି ଜିକେଏ, ରିଆରି ସନ୍ତକି କିହାନା ଏଦାଆଁ ତୀରି କିନେରି, ଏତେତା ଏଦାନି ଆମ୍ବାଆସି ଏଟ୍ଟା କିହାଲି ଆଡଅସି କି ଏମ୍ବାଆଁ ଏଦାଆଁ କାଲହାଲି ଆଡଅସି □

୧୬ ମାହାପୁରୁ ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି କୁଲୁ ତାକି ହାପକି ଆହାମାଚେ; ଏଞ୍ଜାସି ଏଲେଇଞ୍ଜା ହିଲଅସି, “କୃତା ତାରାକି” ଏନିକ୍ ହାରେକା ଲକ୍ଷ୍ୟତାକି ସାସ୍ତେରିତା ଝେସିଲେହେଁ ଆଏ, ଇତିହାସ ଏନିକ୍ ରଅଣି କାତା ଝେସେସି, ନୀ “କୃତା ତାକି” ଏଞ୍ଜାସି କ୍ରୀସ୍ତ ଜୀସ୍ତ □

୧୭ ନା ଅଣ୍ଟାପୁରୁ ଇଦି, ମାହାପୁରୁ ଅବ୍ରାହାମ ତଲେ ର ରାଜିମାନା କିହାମାଚେସି, ଅଡ଼େ ଏଦାଆଁ ତୀରିକିହାଁ ଇଟାଲି ଆଞ୍ଜାମାଚେସି, ଆମିନି ମେରା ସାରି ଖାଞ୍ଜା କଡେଦସ ବାର୍ସା ତାୟୁ ହୀପକିଆଡେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆକ୍ମାଲି ଆଡେଏ □

୧୮ ☆ମାହାପୁରୁତି ଆଞ୍ଜାମାନି ବର ମେରା ମାନିକିନି ତାଣା ବାର୍ସୁ କିନେ, ଆତିହ୍ ଏଦି ଅଡ଼େ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ ହୀହାମାନେସି □

୧୯ ଆତିହ୍ ମେରା ଏନାଆଁତାକି ହୀପକିଆଡେ ? ମାଣ୍ଡସିତି ଲାଗେଏତି କାମା ତସାଲି ତାକି ହୀପକିଆଡେ, ଇଞ୍ଜା ଅବ୍ରାହାମକି ଏମିନି କୁଡାତି ମେସାନା ମାହାପୁରୁ ଆଞ୍ଜାମାଚେସି, ଏଞ୍ଜାସି ଖାନି ପାତେକା ମେରା ଲଡ଼ା ମାଚେ, ର ମାଣ୍ଡସିତି ମାଦି ତଲେ ଲାକପୁରୁତି ଦୁହୁୟାଁ ସାଢ଼େମିତି ମେରା ହୀପକି ଆହାମାଚେ □

୨୦ ସାମା ନୀର୍ବ ମାଦିତି ମାଣ୍ଡସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ □

ମେରାତି କାତା

୨୧ ଇତିହ୍ ମେରା ମାହାପୁରୁ ଆଞ୍ଜାମାନାଣି କପାଟି କାତା ଝେକ୍‌ନେ ? ଏଦି ଏଚେଲାଞ୍ଜା ଆଆପେ; ଇତିହ୍ ଲକୁଡାକି ଜୀଞ୍ଜୁ ହୀହାଲି ଆଡିନି ଇଲେତି ମେରା ହୀପକି ଆହାମାଚିହ୍ ମା, ଆତିହ୍ ମେରା ସାତେଏ ତୀରି ଗାଟାୟି ଆଡେମା □

୨୨ ସାମା ଦାର୍ମୁ ସାଢ଼େସ୍ତରିତା ରାସ୍‌କି ଆହାମାନେ, “ବାରେ ମାଣ୍ଡସି କୁଡା ପାପୁତି ବାଡ଼େୟିତା ମାନେରି, ଏଦାଆଁତାକି ଏନିକ୍ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଙ୍କୁ ନାମିତି ଲକୁ ବେଟାଆନେରି □”

୨୩ ସାମା ଏ ନାମୁ ଖାନି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସପି ଆହିମାଚାୟି □

^{୨୪} ଇଲେତି ନାମୁ ତାକି ମାର ଦାର୍ମୁ ଗାଟାତାୟି ଆହାଲିତାକି କ୍ରୀସ୍ତ
ଝାନ୍ତି ଦିନା ପାତେକା ମେରା ମାଜେ ଜାପୁହାନାୟି ଲେହେଁ ମାତେ □

^{୨୫} ସାମା ନୀର୍ବ ଏ ନାମୁ ଝାହାଲିଏ, ମାର ଅଡେ ମେରାତି
ବାଡ଼ୁୟା ହିଲାଆୟି □

^{୨୬} ଇତିହୁଁ ମୀରୁ ବାରେଜାଣା ଜୀସୁ କ୍ରୀସ୍ତଙ୍କ ନାମିନି ତାଣାଟି
ମାହାପୁରୁତି ମୀରକା ମାସ୍କା ଆହାମାଞ୍ଜେରି □

^{୨୭} ଇଞ୍ଜା ମୀରୁ ଏତେକା ଲକୁ କ୍ରୀସ୍ତ ଦରୁଟି ବାପ୍ତିସ୍ମ*
ବେଟାଆହାମାଞ୍ଜେରି, ନୀର୍ବ ମୀରୁ ବାରେତେରି କ୍ରୀସ୍ତଙ୍କ
ହିମ୍ବୁରିଲେହେଁ ପର୍ହାମାଞ୍ଜେରି □

^{୨୮} ଜୀହୁଦି ଆପେସି କି ଜୀହୁଦିଆଆତି ଲକୁ ଆପେସି, ହଲେଏସି
ଆପେସି କି ହଲେଏସି ଆଆତାସି ଆପେସି, ଆବା ଆପେସି କି ଇୟା
ଆପେ; ମୀ ବିତ୍ରା ଏନି ପାର୍ଡା ହିଲେଏ, ମୀରୁ ବାରେ କ୍ରୀସ୍ତ ଜୀସୁ
ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି □

^{୨୯} ☆ଅଡେ ମୀରୁ କ୍ରୀସ୍ତ ଲକୁ, ଆତିହୁଁ ମୀରୁ ଅବ୍ରାହାମତି
କୃତାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି
ଆହାମାଞ୍ଜେରି □

୪

^୧ ନାମୁ ଝେସିମାଞ୍ଜାଙ୍କ, ମୀରଏସି ଆବାତି ବାରେ ଦନ୍ତି ଅଦିକାରା
ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି
ପାତେକା ହଲେଏସି ଲେହେଁ ଆନେସି □

^୨ ସାମା ଆବାତି ତୀରି କିହାମାନି ଦିନା ପାତେକା ଏଞ୍ଜାସି ତାଲି
ତାଞ୍ଜି ଅଡେ ଗୁମୁସ୍ତାତି କାତାତା ଡ଼ୟିନେସି □

^୩ ଏଲେକିହୁଁଏ ମାର ଜିକେଏ ଏଟିବେଲା ଦାର୍ମୁତା ପାଡ଼ାଆହା
ହିଲାଆତାୟି, ଏଟିବେଲା ଦାର୍ଡିତି ବାରେ ସାଲୁଞ୍ଜି କିନି ବାଡ଼ୁୟା
ହଲିୟା ମାଟାୟି □

^୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି
ମୀରଏଣାଙ୍କ ପାଣ୍ଡାତେସି; ଏଞ୍ଜାସି ଇୟାନି ବାଣ୍ଡିଟି ଜାର୍ନା ଆହାନା
ଜୀହୁଦିୟା ମେରା ତଲେ ନୀଡିତେସି,

* ୩:୨୭ ୩:୨୭ମୁଞ୍ଜିନାୟି ☆ ୩:୨୯ ୩:୨୯ ରମି ୪:୧୩

୫ ☆ଏନିକିହିଁ ଏଞ୍ଜାସି ମେରାତା ମାନି ଲକୁଣି ମୂଲୁ ହାହାନା ପିସ୍‌ପି କିନେସି, ଅଡ଼େ ମାର ମାହାପୁରୁତି ମୀରକା ମାସ୍‌କାତି ଅଦିକାରା ବେଟାଆନାୟି □

୬ ଇଞ୍ଜା ମୀରୁ ମୀରକା ମାସ୍‌କାତେରି, ଅଡ଼େ ମାହାପୁରୁ ମୀ ହିୟାତା ଡୟାଲି ତାକି ତାନି ମୀରଏଣାତି ସୁଦୁଜୀଝୁ ପାଣ୍ଡାତେସି, ଏ ଜୀଝୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜି” ହାଟିମାନେ □

୭ ଏଦାଆଁତାକି ମୀରୁ ଅଡ଼େ ହଲିୟାଙ୍ଗା ଆଏ, ସାମା ମୀରକା ମାସ୍‌କାତେରି, ମୀରୁ ତାନି ମୀରକା ମାସ୍‌କାତେରି ଆହାମାନାକି ମାହାପୁରୁ ତାନି ମୀରକା ମାସ୍‌କାକି ଏନାଆଁ ଇଟାମାନେସି ଏ ବାରେ ମିଙ୍ଗେ ହିୟାନେସି □

ଗାଳାତିୟ ଲକୁତାକି ପାଞ୍ଜୁଲ ଅଣ୍‌ପିନାୟି

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆଁତି ହଲିୟାଙ୍ଗା ମାଚେରି □

୯ ସାମା ମୀରୁ ନୀଏଁ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହିଁ ମୀରୁ ଏନିକିହିଁ ଏ ବାଡ଼ୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡାଆଗାଟି ଦାରତି ଝାକି ଝେଣ୍ଡେ ହାଜାଲି ଅଣ୍‌ପିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଙ୍ଗା ଆୟାଲି ଅଣ୍‌ପିମାଞ୍ଜେରି □

୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ସା ମାନଝି ଆହିମାଞ୍ଜେରି □

୧୧ ମିଙ୍ଗେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଟିମାଞ୍ଜାନେ □

୧୨ ଏ ତାୟି ତାଞ୍ଜିସ୍ଥାତେରି, ନାନୁ ମିଙ୍ଗ ବାତିମାଲିମାଞ୍ଜାଇଁ, ମୀରୁ ନାଲେହେଁ ଆଦୁ, ଇତିହିଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପଡ଼େଏ କିହାମାଞ୍ଜଅତେରି □

୧୩ ନାନୁ ତଲିଏ ମୀ ତାଣା ନେହଁ କାରୁ ଝେକ୍‌ହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଚେତା ନା ଆଙ୍ଗାତି ବାଦା ମାଞ୍ଜାନା ଝେକ୍‌ହାମାଚେଏଁ;

୧୪ ଅଡେ ନା ଆଙ୍ଗାତି ବାଦା ମିଙ୍ଗେତାକି କସ୍ତୁଗାଟାୟି ଆହିମାଚିହଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୂତୁ ଲେହେଁ ଇଚିହଁ କ୍ରୀସ୍ତ ଜୀସୁଇଁ ଆବିନି ଲେହେଁ ନାଙ୍ଗେ ଆବାତେରି □

୧୫ ମୀରୁ ଏଚେକା ରାହଁ ମାଚେରି, ମୀ ଏ ରାହଁ ଆମ୍ବିୟା ହାଚେ ? ଇଚିହଁ ନାନୁ ମୀ କାତା ଆଟ୍‌ଝା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିତ୍‌ହାନା ନାଙ୍ଗେ ହିୟାତେରିମା □

୧୬ ସାମା ନୀଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହଁ ଗାଟାରି ଇଞ୍ଜିଁ ତଞ୍ଜାଆହାଲି ଅଣ୍‌ପିମାନେରି, ସାମା ତାମି ସାତା ଅଣ୍‌ପୁ ତଲେ ଆଏ, ଏଞ୍ଜାରି ରଣ୍‌ସିଏ ଅଣ୍‌ପୁ, ଏନିକଁ ମୀରୁ ନା ତାଣାଟି ଏଟ୍‌କା ଆହାନା ଏଞ୍ଜାରି ଝାକି ରାହଁ ଆଦେରି □

୧୮ ଇଚିହଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହଁ କାମାତାକି ଅଣ୍‌ପିନାୟି ନେହେଁ □

୧୯ ଏ ନା ଜୀଞ୍ଜୁତି ମୀରକା ମାସ୍‌କାତେରି, ଏଚେ ପାତେକା କ୍ରୀସ୍ତ ଲେହେଁ ଆଅତେରି, ଏଚେ ପାତେକା ନାନୁ ମୀ ତାକି ଜାନଁ କିନାଟି ଲୁଞ୍ଜିନି ବୀସା ଲେହେଁତି କସ୍ତୁ ବେଟାଆହିମାଇଁ □

୨୦ ନାନୁ ଏନିକଁ ନୀଏଁ ମୀ ତାଣା ଝାହାନା ଅର ରଲେତି ହାଡ଼ା ଝେସାଲି ଆଡ଼ିତେଏଁମା, ଇଦି ନା ଅଣ୍‌ପୁ ମାଚେ; ଏନାଆଁତାକି ଇଚିହଁ ନାନୁ ମୀ ତାକି ହାରେଏ ଅଣ୍‌ପିମାଇଁ □

ହାଗାର ଅଡେ ସାରାନି ପୁଣ୍‌ମ୍ବିକିନାୟି

୨୧ ମସାତି ମେରାତା ମାଞ୍ଜାଲି ମନ୍ କିହିମାଞ୍ଜେରି ମୀରୁ, ନାଙ୍ଗେ ଝେସ୍ତାଦୁ, ମେରାତା ଏନାଆଁ ରାସ୍‌କି ଆହାମାନେ, ଏଦାଆଁ ମୀରୁ ଝେଞ୍ଜା ହିଲଅତେରି ?

୨୨ ଇତିହାସ ରାସ୍ତାକି ଆହାମାନେ, ଅହାହାମତି ରୀ ମୀରକା ମାତେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ତିନି ତାଣାଟି ଜାର୍ନା ଆହାମାଚେସି,

୨୩ ହଲେଣି ମୀରଏସି ଆଜ୍ଞାତି ଗୁଣୁତଲେ ଜାର୍ନା ଆଡ଼େସି, ସାମା ଆମିନିଗାଟାସି ତାନି ତକ୍ତିନି ମୀରଏସି ମାହାପୁରୁ ଆଜ୍ଞାମାଟି ବାଡ଼ୁୟୁଟି ଜାର୍ନା ଆଡ଼େସି □

୨୪ ଇଦାଆଁ ର ପୁଣ୍ୟ କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରକା ହଲିୟାଜ୍ଞା ଆୟାଲି ଜାର୍ନା ଆଡ଼େରି, ଏ ହାଗାର ସିନୟ ହରୁଟି ଝାହାମାନି ରାଜିମାନା ଲେହେଁ □

୨୫ ହାଗାର ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁତି ଜିରୁସାଲମ ଗାଡ଼ା ଲେହେଁ □ ହାଗାର ଲେହେଁ ଜିରୁସାଲମ ଅଡ଼େ ଏଦାନି ସାଲୁଝି କିନାରି ନୀଏଁ ହଲିୟାଜ୍ଞା ଆହାମାନେରି □

୨୬ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି

୨୭ ଏନାଆଁତାକି ଇତିହାସ ସାସ୍ତେରିତା ରାସ୍ତାକି ଆହାମାନେ,
“ଆଲ ବାଞ୍ଜେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମ୍ବୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାଁତଲେ ରାହାଁ କିମ୍ବୁ;

ଇତିହାସ ତକ୍ତା ତଲେ ବାସା କିହିମାନି ଇୟାନି କିହାଁ
ର ପିସ୍ତି ଇୟାନି କକାରି ପଦାୟାଁ ହାଡ଼େକା ଜାଣି ଆନେରି ଆନୁ
□”

୨୮ “ଏ ନା ତାୟି ତାଜିସ୍ବାତେରି, ମୀରୁ ଇସାହାକ ଲେହେଁ ଆଜ୍ଞାମାନି ମାହାପୁରୁତି ମୀରକା ମାସ୍କାତେରି □

୨୯ ସାମା ଆମ୍ବାଆସି ଆଜ୍ଞାତି ଗୁଣୁ ତଲେ ଜାର୍ନା ଆଡ଼େସି, ଏଝାସି ଏନିକ୍ ଏତିବେଲାତା ମାହାପୁରୁତି ସୁଦୁଜୀଝୁଟି ଆଜ୍ଞାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଝାଣାଇଁ ସାସ୍ତି ହାହାମାଚେସି ଏଲେକିହ ଏ ନୀଏଁ ଜିକେଏ ଆହିମାନେ □

୩୦ ଦାର୍ମୁ ପତି ଏନାଆଁ ଝେସିମାନେ ? ହଲେଣି ଇୟା ଅଡ଼େ ଏଦାଣି ମୀରଏଣାକ୍ ପିହ୍ମୁ; ଇଚିହ୍ ହଲେଣି ମୀରଏସି ତାନି ବୀହା ଡକ୍ତ୍ରିନି ମୀରଏଣା ତଲେ ଅଦିକାରା ଗାଟାସି ଆୟାଲି ଆଡ଼ଅସି ।”

୩୧ ଏଦାଆଁତାକି ଏ ନା ତାୟି ତାଜିୟାତେରି, ମାର ହଲେଣି ମୀରକା ମାସ୍‌କା ଆଏ, ସାମା ବୀହା ଡକ୍ତ୍ରିନି ମୀରକା ମାସ୍‌କାତାୟି ।



କ୍ରୀସ୍ତ ତାଣା ମେଲା ଆନାୟି

୧ ମାର ମେଲା ଆହାମାନାୟି, କ୍ରୀସ୍ତ ମାଜେ ମେଲା କିହାମାଞ୍ଜାନେସି । ଇଦାଆଁତାକି ମାରୁ ମେଲା ଆଡ଼ିତାଣା ତୀରିଆହାଁ ମାଞ୍ଜୁ । ଅଡ଼େ ଝେଣ୍ଡେ ହଲିୟାଙ୍ଗା ଜୁଝେଡ଼ିତା ମାରୁ ଜାହାରାକ୍ ହେର୍ପାକତାଆଦୁ ।

୨ ନାନୁ ପାଞ୍ଜୁଲ ମିଙ୍ଗେ ଝେସିମାଞ୍ଜାକ୍, ମାରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମାଦି ଏନି ଲାଟା ହିଲେଏ ।

୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଝେଣ୍ଡେ ଝେସିମାକ୍, ଇଚିହ୍ ଏଝାସି ବାରେ ମସାତି ମେରା ମାନଝି ଆନାୟି ମାନେ ।

୪ ମାରୁ ଏତେକା ଲକୁ ମେରାଟି ମାହାପୁରୁ କାନୁତା ତୀରିଗାଟାତେରି ଆୟାଲି ଅଣ୍ଡିମାଞ୍ଜେରି, ମାରୁ କ୍ରୀସ୍ତ ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁଟା ଆହାମାଞ୍ଜେରି ।

୫ ଇଚିହ୍ ମାରୁ ମାହାପୁରୁତି ଜୀଞ୍ଜୁତଲେ ନାନୁ ତାକି ଦାର୍ମୁଗାଟି ଲକୁ ଆନି ଆସାକ୍ କାରିମାନାୟି ।

୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନୀତାମାଟିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାନୁତା ଅଜିକିହ୍ ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି ।

୭ ମାରୁତ ନେହ୍ କ ନକ୍ତିତା ହାଜିମାତେରି; ଆମ୍ବାଆସି, ମିଙ୍ଗେ ସାତାତି ମାନଝି ଆଆଦୁ ଇଞ୍ଜା ଆକ୍ମାତେସି ?

୮ ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ ।

୯ ☆ କାତାତା ମାନେ, ଇଚାୟି ପୁଲା ଡକାତି ଗୁଣ୍ଡା ବାରେ ପୁଲା କିନେ □

୧୦ ମୀରୁ ଏଟକାତି ଅଣ୍ଡାପୁ ଅଣ୍ଡାପଅତେରି, ଇଦାଆଁ ନାନୁ ମିଙ୍ଗେ ତାକି ପ୍ରବୁ ତାଣା ହାରେକା ନାମିମାଈଁ; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହୀନେସି □

୧୧ ନା ତାୟି ତାଙ୍ଗିସ୍ତାତେରି, ନାନୁ ନୀର୍ବ ପାତେକା ତଲୁ ଦାଃନି ମେରା ଝେକ୍‌ହିମାଈଁ, ଆତିହ୍ ଏନାଆଁତାକି ନୀର୍ବ ପାତେକା ସାସ୍ତି ବେଟାଆହିମାଈଁ ? ନାନୁ ସାତେଏ ଏଲେକ୍ ଝେକ୍‌ହିହ୍, କୁସତା ହାଡ଼ି କ୍ରୀସ୍ତତି କାତା ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା □

୧୨ ନାନୁ ଅଣ୍ଡାପିମାଈଁ, ତଲୁ ଦାନାଣି ଏମିନିଗାଟାରି ମିଙ୍ଗେ ଏଲେକ୍ କିଲିବିଲି କିହିମାଞ୍ଜାନେରି ଏଞ୍ଜାରି ପେଜୁୟାଁ ଲେହେଁ ଆତିହ୍ ନେହ୍ ଆତେମା □

୧୩ ଏ ତାୟି ତାଙ୍ଗିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା କିହାଲି ମୀ ଆଙ୍ଗାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଈଁ ଜୀଞ୍ଜୁ ନଞ୍ଜିଆହାନା ସେବା କିଦୁ □

୧୪ ଇତିହ୍ ବାରେ ମେରା ଇ ରଣ୍ଡିଏ ହୁକୁମିତା ତୀରି ଆନେ, “ନାନୁ ନୀ ଆଟ୍‌ହିତାଣାଈଁ ନୀ ଜୀଞ୍ଜୁତି ଜୀଞ୍ଜୁନନ୍ତି ଲେହେଁ ଜୀଞ୍ଜୁନଦୁ □”

୧୫ ମୀରୁ ରଅତେରି ରଅଣାଈଁ ବାଦା ହୀହାନା ନସ୍ତ କିଞ୍ଜି ଆହିମାଞ୍ଜେରି, ଆତିହ୍ ଜାଗ୍ରାତା ଆଦୁ, ଏନିକ୍ ମୀରୁ ରଅତେରି ରଅଣି ତାଣାଟି ନାସା ଆଅତେରି □

ସୁଦୁଜୀଞ୍ଜୁ ଅଡ଼େ ମାଣ୍ଡସିତି ଗୁଣ୍ଡ

୧୬ ନା ଅଣ୍ଡାପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆତିହ୍ ମୀରୁ ଆଙ୍ଗାତି ଜୁପକା ତଲେ କାମା କିଅତେରି □

୧୭ ☆ମାଣସିତି ମାଣକି ସୁଦୁଜୀଝୁ ଅପେଏ □ ଏଲେକିହିଁଏ ସୁଦୁଜୀଝୁ ମାଣସିତି ମାଣକିତି ଅପେଏ □ ଏଝି ରିଣ୍ଡି ସାତୁ ଲେହେଁ □ ଇତିହିଁ ମୀରୁ ଏନାଆଁ କିୟାଲି ଅଣ୍ପିଦେରି ଏଦାଆଁ କିୟାଲି ଆଡ଼ଅତେରି □

୧୮ ସୁଦୁଜୀଝୁ ମିଙ୍ଗେ ସାଲୁଝି କିୟାନେ, ଆତିହିଁ ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି □

୧୯ ଆଙ୍ଗାତି ଅଣ୍ପୁ ତଲେ କିନି କାମା ବାରେ ନେହିଁକଁ ପୁଞ୍ଜାମାଞ୍ଜେରି, ଏଝି ଦାରିକାମା, ଲାଗେଏ ପଲେଏ କାମା □

୨୦ ଅଡ଼େ ଅପାଆଗାଟି କାମା, ପେଶ୍‌କା ପୂଜା, ଲକୁଣି ପାୟିନାୟି, ଗୁଣି ଗାରଡ଼ି, ସାତୁ ଆନାୟି, ଗଡ଼ହା କିନାୟି, ଆଙ୍ଗାରା ଆନାୟି, କାର୍‌ବି ଆନାୟି, ଜାହାରାତାକି ଅଣ୍ପିନାୟି, ଗଟି ଆହିଁ ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି,

୨୧ କାଡ଼ୁ ଗ୍ରାହନାରି ତଲେ ଆଣ୍ଡାନା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକଁ ଝେସାମାଞ୍ଜାତେଏଁ, ଏଲେକିହିଁ ନଡ଼େଏ ଜାଗ୍ରାତା କିହାଁ ଝେସିମାଞ୍ଜାକଁ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ □

୨୨ ସାମା ସୁଦୁଜୀଝୁତି ପାଡ଼େୟି, ଜୀଝୁନନାୟି, ରାହାଁ ଆନାୟି, ହିଡ଼ଡ଼ି ଜୀଝୁତଲେ ମାନାୟି, ଅର୍‌ହିନାୟି, ଲକୁକଁ ସାୟେମି କିନାୟି, ସାତା ଗୁଣୁ, ମାନ୍‌ଗାଟି ଲକୁ, ନାମୁତଲେ ମାନାୟି,

୨୩ ଅଡ଼େ ଜାହାରାକଁ ଲକ୍‌ନାୟି, ଇ ବାରେ ନକିତା ମସାତି ଏନି ମେରା ହିଲେଏ □

୨୪ ଆମ୍ବାଆରି ଜୀସୁ କ୍ରୀସୁ ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍ପୁ ଅଡ଼େ ଜୁପ୍‌କା ବାରେ ମାଣସି ମାଣକିତି ପାସି ମୁଣ୍ଡାତା ଏକ୍‌ହାନା ହାଝି କିହାମାନେରି □

୨୫ ମାର ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହିଁ ସୁଦୁଜୀଝୁ ତଲେ ନୀଡିନ □

୨୬ ମାର ବଡ଼ପଣ ଆହାନା ରଅତଝି ରଅଣାକଁ ବିତିବିତା କିଆପ ଅଡ଼େ ମାର ରଅତାୟି ରଅଣାକଁ ତାହାରା ଆଆପ □



ରଥସି ରଥଣି ବଜୁ ଡେକିନାୟି

୧ ଏ ତାୟି ତାଜିସ୍ତା, ଆମ୍ବାଆସି ଏନି ଦହ୍ କିହାମାନାଣି ପୁଟିହ୍, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡେତା ମୀରୁ ଜିକେଏ ପାନ୍ଦାତା ହେର୍ଝିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ
□

୨ ରଥଡେରି ରଥଣି ବଜୁ ଡେକାଲି ସାୟେମି କିଝିଆଦୁ; ଏଲେକିତିହ୍ ମୀରୁ କ୍ରୀସ୍ତତି ମେରା ମାନଝି ଆଦେରି □

୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଜି ଅଣ୍ପା କତିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକତିମାନେସି □

୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହ୍ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବଡପଣ କିଆପେସି □

୫ ଏନିଇତିହ୍ ବାରେଜାଣା ଜାହାରା ବଜୁ ଜାହାରାଏ ଡେକିନାୟି ମାନେ □

୬ ସାମା ଆମ୍ବାଆସି ମାହାପୁରୁତି ବଜୁ ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହ୍ ନେହ୍ ବାଗା ହାପେସି
□

୭ ମୀରୁ ମିଙ୍ଗେ ନାଡ଼ିକିହା କତାଆଦୁ; ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡଅସି, ଇତିହ୍ ମାଣ୍ଡସି ଏନାଆଁ ମାଟିନେସି ଏଦାଆଁ ଦାଃଆନେସି □

୮ ଆମ୍ବାଆସି ଆଙ୍ଗାତି ଅଣ୍ପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଝିକିନି ପାଡେୟି ଦାଃଆନେସି; ସାମା ଆମ୍ବାଆସି ଜୀଝୁତାକି ମାଟିନେସି ଜୀଝୁଟି ଗାଡ଼ିଆଡ଼ି କାଲାକାଲାତି ଜୀଝୁହୀନି ପାଡେୟି ଦାଃଆନେସି □

୯ ମାରୁ ନେହ୍ କାମା କିହାଲି ଖାହାଆପ; ଇତିହ୍ ଖାହୁ ଆଆନା କାମା କିତିହ୍ ସମାନା ବେଲାତା ତାସା ଦାଃନାୟି □

୧୦ ଏନ୍ତିଇଚିହିଁ ମାର ପାରୁ ସିନିକିହାନା ବାରେତାକି ଇଚିହିଁ
ବାରେକିହାଁ ରଣିଏ କୁଟମିତା ଆଣ୍ଟାମାନି ନାମୁ ଗାଟାରାଇଁ ନେହିଁ
କିନାୟିମାନେ □

ଜାଗ୍ରାତା କିହାଁ ଜହରା ତଲେ ଆକୁତି ରାମ୍ବନାୟି

୧୧ ମେହ୍ଦୁ, ନାନୁ ଏନ୍ତିକିଁ କାଜା କାଜା ଅଙ୍କରି ତଲେ ନା
କେୟୁତଲେ ମୀ ତାଣା ରାଟାମାଞ୍ଜାଇଁ □

୧୨ ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ୍ କିନେରି,
ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜିଁ ବାଲାମାତମି
କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନ୍ତିକିଁ ନିନ୍ଦା ବେଟାଆଅରି
ଝାରୁଇ ଏଦାଣିତାକି ଏଲେକିନେରି □

୧୩ ଇଚିହିଁ ଆମ୍ବାଆରି ତଲୁ ଦାଃନି ମେରା ତଲେ ମାନେରି,
ଏଞ୍ଜାରି ତାମ୍ବୁ ଜିକେଏ ମସାତି ମେରା ମାନଞ୍ଜି ଆଅରି, ଇଞ୍ଜାଁ ଏଞ୍ଜାରି
ଏନ୍ତିକିଁ ମୀ ଆଙ୍ଗା ତାକି ବଡପଣ କିହାଲି ଆଡିନେରି, ଏଦାଆଁତାକି
ଏଞ୍ଜାରି ମିଙ୍ଗେ ତଲୁ ଦାପି କିଞ୍ଜିକିହାଲି ଅଣ୍ଡିନେରି □

୧୪ ସାମା ନାନୁ ଝାରୁଇ ମା ଜୀସୁ କ୍ରୀସ୍ତତି କୁସ ତାକି ବଡପଣ
ଆହିମାଇଁ; ଇଚିହିଁ ଏଞ୍ଜାଣି କୁସ ତାକି ଦାରତି ନାଙ୍ଗେତାକି
ହାହାମାନେ ଇଞ୍ଜାଁ ନାନୁ ଦାରତି ତାକି ହାହାମାଇଁ □

୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ,
ସାମା ପୁଃନି ଗାଡି ଆନାୟି ଏଡି ବାରେ କିହାଁ ମୁଲୁତାୟି □

୧୬ ଏଚେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲାକ
ଅଡେ ମାହାପୁରୁତି ଇସ୍ରାୟେଲ ଲକୁ ଲାକ ହିଡ଼ି ଅଡେ କାର୍ମା ଆପେ
□

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇଚିହିଁ
କ୍ରୀସ୍ତ ତାକି ବେଟାଆହାମାନି ଗାହାଁ ଗାରିୟାଁ ନା ଆଙ୍ଗାତା ମାନୁ □

୧୮ ଏ ତାୟି ତାଙ୍ଗିସ୍ତା, ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାୟି ମୀ
ଜୀଞ୍ଜୁତା ଡୟାପେ □ ଆମେନ୍ □

ପୁସ୍ତକ ଶିଖା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିଖା,

କୁସାଲ ପୁସ୍ତକ ଶିଖା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 19 Dec 2025 from source
files dated 8 May 2025

c688c8bf-38ac-5c00-90bd-6e4eaa165a20